

"Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісімді ратификациялау туралы" Қазақстан Республикасы Заңының жобасы туралы

Қазақстан Республикасы Үкіметінің 2010 жылғы 10 маусымдағы № 553 Қаулысы
Қазақстан Республикасының Үкіметі **ҚАУЛЫ ЕТЕДІ:**
«Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісімді ратификациялау туралы» Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қазақстан Республикасының
Премьер-Министрі *К. Мәсімов*
Жоба

Қазақстан Республикасының Заңы Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісімді ратификациялау туралы

Душанбеде 2009 жылғы 10 қарашада қол қойылған Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісім ратификациялансын.

Қазақстан Республикасының
Президенті

Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісім

Қазақстан Республикасының Үкіметі мен Тәжікстан Республикасының Үкіметі (б ұ д а н ә р і - Т а р а п т а р) , қазіргі өзара достық қатынас пен әскери саладағы ынтымақтастықты күшейтуге н и е т б і л д і р е о т ы р ы п , 1999 жылғы 16 желтоқсандағы Қазақстан Республикасының Үкіметі мен Тәжікстан Республикасының Үкіметі арасындағы Әскери-техникалық ынтымақтастық туралы келісімді б а с ш ы л ы қ қ а а л а о т ы р ы п ,

1999 жылғы 16 желтоқсандағы Қазақстан Республикасының Үкіметі мен Тәжікстан Республикасының Үкіметі арасындағы Әскери саладағы ынтымақтастық туралы келісімнің ережелерін ескере отырып, төмендегілер туралы келісті:

1-бап

Тәжікстан Республикасы Қарулы Күштерінің қалыптасуына көмек көрсету мақсатында Қазақстан тарабы Тәжікстан тарабына өтеусіз әскери көмек көрсетеді.

2-бап

Осы Келісімді іске асыру мақсатында Тараптар мынадай уәкілетті органдарды тағайындайды:

Қазақстан тарапынан - Қазақстан Республикасы Қорғаныс министрлігі;

Тәжікстан тарапынан - Тәжікстан Республикасы Қорғаныс министрлігі.

Уәкілетті органдардың атауы немесе функциялары өзгерген кезде Тараптар дипломатиялық арналар арқылы бір-бірін дереу хабардар етеді.

3-бап

Өтеусіз әскери көмек материалдық көмек түрінде ұсынылады.

Берілетін мүліктің тізбесі мен саны осы Келісімнің ажырамас бөлігі болып табылатын Қосымшада айқындалған.

4-бап

Қазақстан тарабы мүлікті Қазақстан Республикасының аумағынан Тәжікстан Республикасының аумағына (Душанбе қаласы) дейін Қазақстан Республикасы Қарулы Күштерінің авиакөлігімен жеткізуді қамтамасыз етеді, онда Тараптар тағайындаған өкілдер оларды тиісінше қабылдау мен беруді жүргізеді. Бұл ретте Душанбе қаласына дейінгі көліктік шығыстарды Қазақстан тарабы төлейді. Тәжікстан тарабы Тәжікстан Республикасындағы кедендік рәсімдерді ресімдеу үшін шығыстарды өзі көтереді және жауапты болады. Берілетін мүлікті Қазақстан Республикасында кедендік ресімдеу Қазақстан Республикасының заңнамасына сәйкес жүзеге асырылады.

5-бап

Тәжікстан тарабы Қазақстан тарабының алдын ала жазбаша келісімін алмай, Қазақстан тарабынан алған мүлікті немесе оларды пайдалануға арналған құқықты үшінші тарапқа бермейді.

6-бап

Тараптардың келісімі бойынша осы Келісімге тиісті хаттамамен ресімделетін өзгерістер мен толықтырулар енгізілуі мүмкін.

Осы Келісімді іске асыру кезінде туындайтын кез келген келіспеушіліктер келіссөздер және консультациялар жолымен шешілетін болады.

7-бап

Осы Келісім оның күшіне енуі үшін қажетті мемлекетішілік рәсімдерді Тараптардың орындағаны туралы соңғы жазбаша хабарламаны дипломатиялық арналар арқылы алған күнінен бастап күшіне енеді.

Осы Келісім Тәжікстан Республикасының Үкіметіне осы Келісімге сәйкес берілетін материалдық көмек толық берілген сәттен бастап өзінің қолданысын тоқтатады.

2009 жылғы 10 қарашада Душанбе қаласында әрқайсысы қазақ, тәжік және орыс тілдерінде екі түпнұсқа данада жасалды әрі барлық мәтіндердің күші бірдей.

Осы Келісімнің ережелерін түсіндіруде келіспеушіліктер туындаған жағдайда Тараптар орыс тіліндегі мәтінге жүгінетін болады.

*Қазақстан Республикасының
Үкіметі үшін
Қорғаныс министрі*

*Тәжікстан Республикасының
Қорғаныс министрі
генерал - полковник
Хайруллоев*

Жақсыбеков

Әділбек Рыскелдіұлы

Шерали Хайруллоевич

Қазақстан Республикасының Үкіметі мен
Тәжікстан Республикасының Үкіметі
арасындағы Өтеусіз әскери көмек
көрсету туралы келісімге
қосымша

Берілетін әскери мүліктің тізбесі

р.с №	Мүліктің атауы	Өлшем бірлігі	Саны
1.	ИМП жартылай өткізгіш индукциялық мина іздегіш	дана	40
2.	СМП мина жарушы сөмкесі	жиынтық	100
3.	РДВ-1500 суға арналған резервуар	жиынтық	40
4.	РДВ-100 суға арналған резервуар	жиынтық	50
5.	МПЛ-50 шағын жаяу әскер күрегі	дана	100

6.	БСЛ-110 үлкен саперлік күрегі	дана	100
7.	П-2М фонарь	дана	100
8.	ЛМ-48 желілік көпір	дана	30
9.	ПМГ (ЕО-18) газтұтқыш	дана	1000
10.	ИП-4 газтұтқыш	дана	500
11.	ОП-1 (Т-15) қорғаныш плащ	дана	1000
12.	(Т-15) қорғаныш шұлық	жұп	1000
13.	БЛ-1м қорғаныш қолғап	жұп	1000
14.	Шұлық пен қолғапқа арналған қап	дана	1000
15.	ДП-5 а (б) дозиметрлік аспап	дана	100
16.	ДП-64 дозиметрлік аспап	дана	100
17.	ДП-22В дозиметрлік аспап	дана	50
18.	ВПХР химиялық барлау аспабы	дана	100
19.	КЗО-1 қоршау белгілерінің жиынтығы	жиынтық	100
20.	ИДП-С газсыздандыру пакеті	қорап	1000
21.	МК-10 тасымалданатын асхана	бірлік	10
22.	КП-20 тасымалданатын асхана	бірлік	30
23.	КО-75 тасымалданатын асхана	бірлік	40
24.	КП-130 тіркеме асхана	бірлік	10
25.	Санитарлық зембіл	дана	1000
26.	Офицерлік құтылар	дана	50
27.	Болат дулыға	дана	2000
28.	Шағын металл ыдыс	дана	2000
29.	Қабы бар металл құты	дана	2000
30.	Әскери-арнайы әдебиет	дана	180

2009 жылғы 10 қарашада Душанбе қаласында жасалған Қазақстан Республикасының Үкіметі мен Тәжікстан Республикасының Үкіметі арасындағы Өтеусіз әскери көмек көрсету туралы келісімнің бұл көшірмесінің дәлдігін куәландырамын.

*Қазақстан Республикасының
Сыртқы істер министрлігі
Халықаралық - құқық
Б. Пискорский*

*департаментінің
Басқарма бастығы*